



Bosne i Hercegovine

IZBORNI PROGRAM

GO SDP BIH LUKAVAC

I KANDIDATA ZA
GRADONAČELNIKA

Z A L O K A L N E I Z B O R E

2024



Skeniraj QR kod pogledaj
Izborni program SDP BiH
ili postavi pitanje

Nastavljamo
odgovorno.

SADRŽAJ

UVODNE NAPOMENE	5
PRIVREDA I RAZVOJ PODUZETNIŠTVA.....	6
Pružanje podrške poduzetnicima	8
Promocija poduzetništva	8
Umrežavanje i resursi	8
Edukacija i trening	8
Poduzetnički inkubatori	8
Razvoj specijaliziranih poslovnih zona	8
Infrastruktura po principu "ključ u ruke" za poduzetnike	9
INFRASTRUKTURA I PROSTORNO UREĐENJE.....	10
Infrastruktura	10
Prostorno uređenje i zaštita okoliša.....	11
OBRAZOVANJE	13
SPORT, KULTURA I MLADI.....	14
ZDRAVSTVO I SOCIJALNA POLITIKA.....	16
BORBA PROTIV BOLESTI OVISNOSTI.....	17
ANTIFAŠIZAM I BORBA ZA RADNIČKA PRAVA	17
REORGANIZACIJA GRADSKE UPRAVE I SAVJETA MJESENHIH ZAJEDNICA	18
JAVNI MEDIJI.....	20
NAČIN REALIZACIJE IZBORNOG PROGRAMA	23

KANDIDAT GO SDP BIH LUKAVAC ZA GRADONAČELNIKA GRADA LUKAVCA

1.



Omerdić Kenan

LISTA KANDIDATA SDP ZA GRADSKO VIJEĆE LUKAVAC

1.



Memić Mirela

2.



Garagić Jasmin

3.



Efendić Munib

4.



Jusufović Nermina

5.



Hodžić Mirsad

6.



Mahovkić Jasmina

7.



Tomić Božo

8.



Tabaković Amir

9.



Imamović Mirela

10.



Imamović Mirsad

11.



Džindo Memić Alma

12.



Ibrakić Hasan

LISTA KANDIDATA SDP ZA GRADSKO VIJEĆE LUKAVAC



Kuzić Almira



Hodžić Hajrudin



Hodžić Faruk



Huskić Manadij



Sakić Mihad



Spasojević Anđelka



Žigić Jasmin



Džibrlić Ajdin



Nukić Enesa



Osmić Elvir



Hrustemović Ismeta



Imamović Jasmin



Osmić Amir



Mujkić Dženana



Husejnović Amir



Dieckmann Slobodanka



Razić Jasmin



Mahovkić Amir



Mahovkić Enisa



Mujčinović Jusuf

UVODNE NAPOMENE

Izborni program Gradske organizacije SDP Lukavac za Lokalne izbore 2024. godine, usmjeren je na nadležnosti lokalne zajednice i na realnim osnovama tretira sve oblasti društvenog života. Smatramo da je potrebno uvesti princip šireg koncenzusa političkih snaga, jer **interesi građana u lokalnoj zajednici trebaju biti principijelno jedinstveni**.

Brojni su primjeri u kojima je izlaznost na općim izborima veća nego na lokalnim, stoga ćemo posebnu pažnju posvetiti ovom pitanju. Smatramo da se upravo oni građani koji ne izlaze na izbore, nalaze u grupi najnezadovoljnijih, te ćemo u ovaj program tretirati njihove opravdane zahtjeve.

Uz sve probleme složenosti i komplikiranosti političkog sistema u Bosni i Hercegovini, **lokalna razina vlasti morala bi predstavljati primarni oblik odlučivanja i interesovanja svakog pojedinca**.

Jedan od glavnih uzroka apatičnosti u društvu jeste zapravo pogrešno uvjerenje, da je glasanjem na izborima, nemoguće bilo šta promjeniti. **Stoga ističemo da promjene polaze upravo iz lokalne zajednice**.

S obzirom na to da je SDP partija koja ima svoj kontinuitet i kako smo dosljedni u svojim stavovima i idejama, u svoj Izborni program odlučili smo uvrstiti, između ostalog, i ključne probleme iz ranijih izbornih ciklusa koji nisu riješeni. Svjesni ozbiljnosti i odgovoranosti za budućnost, SDP u Gradu Lukavcu će poseban akcenat staviti na dosljedno i beskompromisno vraćanje temeljnim principima socijaldemokratije, pridajući važnost **sposobnosti, stručnosti, poštenju i odgovornosti** s ciljem stvaranja okruženja **jednakih prilika** za sve građane.

Ističemo nekoliko problema sa kojima se danas susrećemo i sa kojima će se SDP odlučno uhvatiti u koštac.

Voda koju trenutno koristimo je opasna po zdravlje, okoliš zagađeniji nego ikada prije, teško ekonomsko stanje, katastrofalno stanje infrastrukture, saobraćajna izoliranost grada i niza mjesnih zajednica, potpuno nefunkcionalni savjeti mjesnih zajednica, loša podrška ekonomskoj održivosti mjesnih zajednica, zagađeno i zapušteno jezero Modrac,

nedovoljna podrška porodicama sa djecom, nedovoljan kapacitet i obuhvaćenost djece predškolskim odgojem i obrazovanjem, nedostatak podrške osobama treće životne dobi, te niz drugih problema koji za rezultat imaju loš kvalitet života naših građana.

U SDP-u smo svjesni da izbori u Lukavcu nisu tek izbori između pojedinih ideologija i koncepata, već unutarstranačke dominacije interesnih skupina. Upravo iz tog razloga smo vam ponudili naš program, koji je mjerljiv i baziran na realnim osnovama.

PRIVREDA I RAZVOJ PODUZETNIŠTVA

Grad Lukavac je jedan od najznačajnijih tačaka na industrijskoj, rudarskoj i turističkoj karti Bosne i Hercegovine. Svi njeni potencijali nisu adekvatno iskorišteni niti jednako tretirani. Neophodno je učiniti dodatne napore da industrijska preduzeća u Lukavcu, usklade svoj rad sa **ekološkim standardima i zakonima**, a njihovi radnici ostvare sva **prava na siguran i dostojanstven rad**.

Poduzetništvo predstavlja pokretačku snagu ekonomskog razvoja, inovacija i zapošljavanja. U kontekstu globalnih ekonomskih promjena i rastuće konkurenциje, lokalne samouprave imaju ključnu ulogu u stvaranju **povoljnog okruženja** za poduzetnike. Gradovi koji aktivno podržavaju razvoj poduzetništva često bilježe brži ekonomski rast, bolju socijalnu koheziju i veći stepen inovacija.

Prepoznajemo važnost razvoj poduzetništva kao jednog od glavnih stubova lokalne privrede. Ova politika je osmišljena s ciljem da se stvore uvjeti u kojima poduzetnici mogu lako započeti i razvijati svoje poslovanje, doprinoseći time općem blagostanju zajednice. Kroz niz strateških mjera, želimo poticati **rast malih i srednjih preduzeća**, promicati **inovacije i tehnološki razvoj**, te osigurati stalnu **eduksaciju i podršku poduzetnicima**.

Poduzetnici se često suočavaju s brojnim izazovima, uključujući pristup finansiranju, složene administrativne procedure i nedostatak podrške u svim fazama razvoja. Ova politika ima za cilj adresirati te izazove kroz

konkretnе mjere i иницијативе које ће **olakšati poslovanje i potaknuti poduzetnički duh**. Stalnom комunikацијом, развојем инфраструктуре, те промовирањем уређавања и едукације, желимо створити динамично и иновативно подузетничко окружење.

Осим тога, свјесни smo важности прilagodbe zakonodavnog okvira kako bi odgovarao потребама модерних подузетника. Стога ће се посебна пажња посветити **поједностављењу процедуре** и прilagodbi regulative, како би се смањиле административне барijere и omogućilo **лакше вођење посlovanja**.

Kroz активно праћење и evaluaciju implementacije ове политike, осигурат ћемо да се постignu жељени циљеви те да Град Lukavac постане препознатљив по свом подузетничком духу и економском просперитету. На тај начин, не само да ћемо потicati економски развој, већ ћемо и doprinosisiti опćem poboljšanju kvalitete живота локалног становништва;

У мандатном периоду 2024/2028 године, zalagat ћемо се за:

- Ефикасна и transparentna regulativa је ključna за stvaranje поволног посlovnog окружења које потиće rast i razvoj подузетništva.
 - Prepoznajemo важност прilagodbe zakonodavnog okvira kako би се смањиле административне барijere и olakšalo посlovanje.
1. Поједностављење процедуре:
Поједностављење административних процедур за отварање и вођење предузећа.
 2. Прilagodba zakonodavstva:
Помоћу наših predstavnika на вишим нивоима uticat ћемо на побољшавање zakonodavnog okvira kako би bio поволнiji за подузетнике.
- Poticati ћемо отварање нових te pružati подршку постојећим подузетnicima sa ciljem razvoja malih i srednjih предузећа.

Za ostvarivanje ovog cilja kao ključnu komponentu naše politike za razvoj poduzetništva, **osnovatićemo kancelariju /službu/ za podršku poduzetnicima** koja će imati sljedeće zadatke:

Pružanje podrške poduzetnicima:

Kancelarija će služiti kao centralno mjesto gdje poduzetnici mogu dobiti sveobuhvatnu podršku i savjete za svoje poslovne aktivnosti. Pružanje savjetodavnih usluga poduzetnicima kako bi se lakše uskladili sa postojećim propisima i zakonima.

Promocija poduzetništva:

Kancelarija će aktivno tražiti nove poduzetnike zainteresirane za otvaranje svojih postrojenja i poslovanja u našem gradu.

Umrežavanje i resursi:

Kancelarija će organizovati događaje, radionice i konferencije kako bi olakšala umrežavanje poduzetnika i razmjenu iskustava.

Povezivanje sa našim građanima u inostranstvu je jako važno za cilj zajedničkih inicijativa i razvoja poduzetništva.

Edukacija i trening:

Redovno će biti organizovane edukacije i treninge za razvoj poslovnih vještina, što će pomoći poduzetnicima da budu konkurentniji i inovativniji.

Razvoj odgovarajuće infrastrukture je bitan za stvaranje povoljnog poslovnog okruženja koje potiče rast i razvoj poduzetništva. Važnost ulaganja u infrastrukturu kao temelj za ekonomski napredak i konkurentnost. Ova politika za razvoj infrastrukture ima za cilj:

Poduzetnički inkubatori;

Poduzetnički inkubatori su organizacije koje pružaju podršku novim preduzetnicima i startapima kroz mentorstvo, pristup resursima, obuku i radni prostor. Cilj inkubatora je pomoći mladim firmama da se razviju i postanu održive na tržištu.

Razvoj specijaliziranih poslovnih zona:

Svaka poslovna zona bit će specijalizirana za određene industrije, poput tehnologije, proizvodnje, logistike ili uslužnih djelatnosti. Ova specijalizacija

omogućit će fokusiranu podršku i razvoj potrebne infrastrukture za te industrije.

Infrastruktura po principu “ključ u ruke” za poduzetnike

Cilj je pružiti gotovu i potpuno opremljenu poslovnu infrastrukturu koja omogućava poduzetnicima da se odmah fokusiraju na svoje poslovne aktivnosti bez potrebe za dodatnim ulaganjima u osnovne resurse.

Razvoj poljoprivrede je ključan za unapređenje životnog standarda, ekonomski rast i očuvanje ruralnih područja. Inovacije u poljoprivrednim tehnikama, poput uvođenja modernih tehnologija i održivih metoda proizvodnje, omogućavaju povećanje prinosa i smanjenje troškova. Takođe, podrška mladim poljoprivrednicima i promocija ekološki prihvatljive proizvodnje doprinose očuvanju prirodnih resursa i zaštiti životne sredine. Investiranje u poljoprivrednu nije samo ulaganje u ekonomiju, već i u budućnost zdravog i održivog društva.

Na kraju bitno je istaći da je razvoj poduzetništva temelj za stvaranje dinamične, inovativne i prosperitetne lokalne ekonomije. Kroz ovu politiku, obavezujemo se na kontinuirano stvaranje povoljnog poslovnog okruženja koje će poticati rast malih i srednjih preduzeća, stvaranje novih radnih mesta i povećanje konkurentnosti na tržištu. Realizacijom ciljeva postavit ćemo čvrste temelje za dugoročan ekonomski razvoj. Kancelarija za podršku poduzetnicima će igrati ključnu ulogu u pružanju sveobuhvatne podrške poduzetnicima, pomažući im u rješavanju problema i stvaranju novih poslovnih prilika.

Ulaganjem u poduzetničke zone, osigurat ćemo da naši poduzetnici imaju pristup svim potrebnim resursima i podršci za uspješno vođenje svojih poslovanja. Edukacija i kontinuirana obuka poduzetnika omogućit će im stjecanje novih znanja i vještina, što će povećati njihovu konkurenčnost i sposobnost prilagodbe tržišnim promjenama.

Prilagodba zakonodavnog okvira i pojednostavljenje administrativnih procedura smanjit će birokratske prepreke i omogućiti poduzetnicima brži i lakši početak poslovanja. Transparentnost i stalni dijalog s poduzetničkom zajednicom osigurat će da lokalna uprava bude u skladu s potrebama i izazovima s kojima se poduzetnici suočavaju.

Realizacija ove politike zahtijeva zajednički napor svih sudionika, uključujući lokalnu upravu, privatni sektor i građane. Kroz koordinirani pristup i kontinuirani monitoring, osigurat ćemo da se postignu željeni ciljevi te da politika donese stvarne i mjerljive rezultate. Grad Lukavac će se tako profilirati kao centar inovacija, poduzetništva i ekonomskog rasta a ne samo kao grad industrije. Poticajući poduzetnički duh i stvarajući uvjete za uspjeh, osigurat ćemo dugoročni prosperitet naše zajednice. Pozivamo sve poduzetnike, investitore i građane da se uključe u ovaj proces i doprinesu zajedničkom naporu za stvaranje bolje budućnosti.

INFRASTRUKTURA I PROSTORNO UREĐENJE

Infrastruktura

U posljednjih nekoliko decenija u Lukavcu je glavna politička tema „vodosnabdijevanje, odvođenje i prerada otpadnih voda“ ali izuzev što često predstavlja samo izbornu floskulu, vrlo malo se šta konkretno uradilo po ovom pitanju. SDP BiH je kontinuirano pružao podršku lokalnim vlastima u nastojanju da ostvare zacrtane ciljeve na ovom polju, ali i ukazivao na propuste, neregularnosti, ali posebo na dinamiku aktivnosti na rješavanju vodosnabdijevanja Grada Lukavac koja je nodovoljna. Činjenica je da se vrlo malo uradilo na ovom važnom pitanju i zadnjih osam godina i da konkretan napredak nemamo.

Neophodno je spriječiti i svaki oblik manipulacija koje su prisutne u prigradskim mjesnim zajednicama, a tiču se pitanja vodosnabdijevanja stanovništva. Vodovodi u mjesnim zajednicama (tamo gdje imaju) su „dati“ na upravljanje, pojedincima. Ovu praksu ćemo mijenjati i sve tzv, seoske vodovode staviti pod kontrolu i upravljanje od strane odgovarajućeg javnog komunalnog preduzeća, a prikupljena sredstva na transparentan način u skladu sa namjenom, investirati u toj mjesnoj zajednici na projekte od općedruštvenog značaja.

Evidentno je da postoji veliki broj mjesih zajednica na području Grada Lukavac čiji građani nemaju mjesni vodovod i kao takvi treba da budu u vrhu prioriteta za uspostavu istog.

Voda za piće i **vodosnabdijevanje** nalazi se na prvom mjestu prioriteta u cilju očuvanja zdravlja i života ljudi te je takođe neophodno:

- **Riješiti problem vodosnabdijevanja grada Lukavca. Rješavanje ovog problema za GO SDP BiH Lukavac predstavlja prioritetam zadatok.**
- Provođenje aktivnosti na zamjeni azbestnih cijevi u vodovodima;
- U saradnji sa višim nivoima sufinansirati projekat izgradnje kanalizacionog prstena oko Jezera Modrac;
- SDP Lukavac će se, shodno budžetskim mogućnostima, a vodeći računa o ravnomjernom razvoju Grada Lukavca, u kapitalne projekte MZ-a ulagati **isključivo uz saglasnost i na prijedlog mjesnih zajednica;**
- izgradnja vodovoda u mjesnim zajednicama koje nemaju riješeno pitanje vodosnabdijevanja;
- Raditi na izgradnji i proširenju gradskog groblja te unaprijediti održavanje postojećih lokalnih grobalja/mezarja;
- **Sačuvati javne površine zemljišta**, zaštiti imovinu od usurpacija ili otuđivanja u korist pojedinaca naspram društvenih potreba, a posebnu pažnju posvetiti vraćanju usurpiranog putnog pojasa;
- Nastaviti aktivnosti na širenju toplovodne mreže u svim dijelovima grada;
- Kontinuirana sanacija i rekonstrukcija **lokalnih puteva i ulične rasvjete;**
- Realizaciji projekta regulacije adekvatne kanalizacione mreže u mjesnim zajednicama;
- Odlučna i beskompromisna borba sa **nelegalno izgrađenim objektima**, dosljedna primjena zakona kada je riječ o ovoj oblasti;

Prostorno uređenje i zaštita okoliša

Jedno od ključnih problema sa kojim se susreće stanovništvo našeg grada jeste problem zagađenja zraka, tla i vode, kao rezultat nekoliko faktora: neadekvatne filter zaštite na industrijskim postrojenjima, veliki broj individualnih ložišta u samom centru grada, ali i povećanog broja motornih vozila, neki su od faktora koji utiču na činjenicu da postajemo jedan od najzagađenijih gradova u Evropi i svijetu.

Zbog toga je neophodno:

- Povećati broj i rad mjernih stanica (tbx) u gradu i prigradskim mjestima čiji će podaci o zagađenju zraka biti javno dostupni;
- Uspostaviti kontinuiranu partnersku saradnju sa industrijskim preduzećima, te insistirati na obaveznom poštivanju ekoloških normi i standarda, okolinskih dozvola a sve u okviru zakonskih propisa;
- Insistirati od najvećih industrijskih preduzeća na odgovornom odnosu prema lokalnoj zajednici kroz ulaganja u sporske, kulturne i infrastrukturne projekte na području Grada Lukavca i mjesnih zajednica;
- Nastaviti toplifikaciranje stambenih jedinica;
- Planirati stimulacije i druge olakšice za privredne subjekte koji vrše ulaganja u zaštitu ekologije i koriste obnovljive izvore energije;
- Izvršiti intervencije u svim ulicama sa ciljem uklanjanja bespravno izgrađenih pozida, ograda, podesta za ulaz u zgrade i dvorišta, sve što smeta normalnom odvijanju saobraćaja i kretanja pješaka, te onemogućiti gradnju sličnih objekata;
- Graditi biciklističke staze, gradska šetališta, eko-parkove u mjesnim zajednicama;
- Zaštiti i proširiti zelene površine u gradu;
- Planski izvršiti sadnju stabala u gradskoj zoni;

Gradsko i prigradsko područje sve više postaje neuslovno (opasno) za stanovanje. Zbog toga je ova problematika, uz pitku vodu, bila i ostala jedan od ključnih problema, i ono što je zabrinjavajuće, stanje se iz godine u godinu u kontinuitetu pogoršava, zdravlje građana narušava, životni vijek građana znatno smanjuje.

OBRAZOVANJE

Smatramo da lokalna zajednica mora staviti akcenat na ovo važno pitanje. Moramo povećati kapacitete javnih vrtića, osigurati bolje uslove rada odgajateljima/cama, uspostaviti saradnju sa privatnim vrtićima jer moramo dati podršku djeci u njihovom daljem rastu i razvoju i pružiti jednake životne šanse. Moramo pomoći porodicama u usklađivanju njihovih profesionalnih i privatnih obaveza što svakako spada u podršku pronatalitetnoj politici.

S tim u vezi, neophodno je:

- Poboljšati uslove i povećati kapacitet JU za predškolski odgoj i obrazovanje Obdanište Lukavac;
- Stimulisati izgradnju i približavanje predškolskih obrazovno-odgojnijh ustanova što većem broju djece (obdanište u Puračiću, Dobošnici, Poljicu);
- Zalagati se za potpunu implementaciju inkluzivnog obrazovanja;
- U saradnji sa nadležnim ministarstvima krenuti u izgradnju fiskulturnih sala u školama gdje ne postoje;
- Pružiti podršku školama u kulturnim, sportskim i drugim manifestacijama;
- Pružiti pomoć učenicima na učešču na takmičenjima i drugim aktivnostima od značaja za podizanje nivoa odgojno-obrazovne djelatnosti;
- Nastaviti stipendiranje učenika i studenata uz donošenje racionalnog pravilnika o uslovima za sticanje prava na stipendiranje;

Obrazovanje i odgoj mora biti racionalno, efikasno i cjeloživotno, polazeći od činjenice da su danas veoma rijetka zanimanja za cijeli ljudski radni vijek. Zbog toga, pažnju treba usmjeriti na stvaranje svijesti o nužnosti brze i efikasne prekvalifikacije. Inače, mlade treba odgajati da u kontinuitetu uče i rade, da optimalno govore i da se odmaraju. Kada je riječ o kvalitetu sticanja znanja, vodilja SDP-a glasi: **KREACIJA, UMJESTO IMITACIJE.**

SPORT, KULTURA I MLADI

Nekada, sada i u buduće Lukavac je grad sporta, kulture, grad mladih.

Grad sa prvim olimpijskim bazenom u BiH (ambijent za djelovanje plivačkog kluba sa značajnim rezultatima na nivou bivše države, Balkana i šire). Grad sa uspješnim gimnastičarima, odbojkašicama, karatistima, rukometnišćima, nogometnišćima od 1921. godine košarkašima, kuglašicama i kuglašima, šahistima i strijelcima. Agresijom na BiH, i postratnim periodom obnove, ulaganja u sport su drastično smanjena a infrastruktura je ili ista (izuzev nove Sportske dvorane) ili u još gorem stanju. Stadion za rukomet uništen, bazen uništen, atletska staza devastirana, nogometna igrališta bez nekog znatnog ulaganja. Sve je ovo dovelo do stagnacije bazičnih sportova (atletika, gimnastika, plivanje) i životarenja sportova sa loptom.

Šta uraditi u nadolazećem periodu?

Vratiti sport sportašima i sportskim radnicima uz maksimalnu podršku Gradskog vijeća i Uprave Grada. Bez politizacije sporta ulagati u razvoj sporta sa izgradnjom sportskih objekata (bazen-olimpijski, gradski stadion sa atletskom stazom od tartana, tribinama, reflektorima, modernim svlačionicama). Školske dvorane i poligone osposobiti za dvoranske sportove kako bi se stvorila baza za popunu gradskih klubova, u odbojci, košarci, rukometu i borilačkim sportovima. Sportski savez Grada Lukavac treba da svima omogući učešće u Lokalnim i Kantonalnim ligama a da Grad posebno finansira klubove koji se takmiče na Federalnom ili Državnim nivou. Ovo se jednako odnosi i na bavljenje sportom osoba sa invaliditetom. Značajnija ulaganja u sport su preventiva i zaštita omladine od pošasti ovisnosti.

Kulturna dešavanja u Lukavcu možemo podijeliti na amaterska i djelovanje javnih ustanova čija je to nadležnost (JU Centar za kulturu Lukavac). Lukavac je nekad imao gradski hor, gradski orkestar, istaknuto KUD "Rudar", "Jedinstvo" Puračić sa redovnim smotrama folklora, festivalima narodne pjesme, dramskim smotrama ... Danas imamo amaterizam i entuzijazam u nekoliko KUD-ova koji egzistiraju uz ogromna odricanja volontera i zaljubljenika u folklor naroda BiH i regije, te svojim radom šire kulturu, druženja i prenose s koljena na koljeno tradiciju pjesme i igara našega podneblja, da se ne zaboravi.

- Obezbjediti podršku nadarenim i vrhunskim sportistima i umjetnicima čiji rezultati doprinose popularizaciji sporta i kulture, ali i grada Lukavac.
- **Podršku sportskim klubovima i udruženjima** iz oblasti sporta usmjeravati tako da se u sportske aktivnosti uključi što veći broj mlađih, na način da se osim postignutih rezultata posebno cijeni i masovnost sa ciljem razvoja mlađih u sportskom duhu.
- Obnoviti tradiciju takmičenja u različitim vidovima sportskih igara sa masovnim učešćem sportista, kao što su školske lige, tematski sportski susreti, radničke sportske igre i slično.
- Obezbijediti pravednije i ravnomernije finansiranje klubova iz svih oblasti sporta potpuno transparentno i po javno dostupnim pravednim kriterijima, uz eliminaciju evidentne politizacije ovog vida finansiranja iz budžeta.
- Obnoviti ili izgraditi **sportske poligone i igrališta** u mjesnim zajednicama;
- Sačiniti godišnji plan kulturno-sportskih manifestacija od značaja za Grad Lukavac;
- Borbu protiv bilo kojeg oblika segregacije i diskriminacije u školama treba voditi kontinuirano;

Insistirat ćemo na aktivnom sudjelovanju mlađih u javnom životu i procesima odlučivanja;

- Zalagat ćemo se za razvoj aktivizma učenika i studenata kroz praktičan rad, volonterski rad i poduzetništvo tokom učenja i studiranja;
- pružiti pomoć mlađima pri prvom stambenom zbrinjavanju (subvencioniranje)

ZDRAVSTVO I SOCIJALNA POLITIKA

Polazeći od činjenice da je zdravstveni sistem u kompleksnom položaju, isprepleten podjeljenom nadležnošću između Federacije, kantona i općina/gradova, nije nepoznanica veoma čestih nedostataka u takvom sistemu.

Svjesni odliva stručnih kadrova, naročito zdravstvenih radnika, a pogotovu doktora medicine u cijeloj Bosni i Hercegovini, pa i Lukavcu, što će se u budućnosti vrlo negativno odraziti na kvalitet zdravstvenih usluga, neophodno je stvoriti uslove da svi mladi kadrovi dobiju šansu za rad i usavršavanje. U tom smislu će se:

- U skladu sa Zakonom sprovesti izbor i imenovanje upravnih odbora javnih preduzeća i ustanova (Dom zdravlja Lukavac);
- Ulagati u ljudski resurse kao prioritet u radu svakog menadžmenta u zdravstvu;
- Vršiti zapošljavanje u zdravstvenim ustanovama na maksimalno transparentan način (konkurs, kriteriji, transparentnost);
- Obezbijediti redovan godišnji, preventivni zdravstveni pregled za učenike svih razreda i predškolskih grupa;
- Insistirati na radu pojedinih službi Doma zdravlja Lukavac u dvije smjene;
- Izvršiti planiranje prostora i drugih pretpostavki za izgradnju javne ustanove za kvalitetno zbrinjavanje i boravak starih i nemoćnih lica;
- Osigurati povlastice u plaćanju komunalnih obaveza na lokalnom nivou socijalno ugroženim kategorijama;
- U okviru Centra za socijalni rad formirati centar za dnevni boravak koji će pružati stručnu pomoć i usluge žrtvama nasilja u porodici, maloljetnim delikventima, djeci sa poteškoćama, marginaliziranim skupinama i slično ;
- Pružiti pomoć penzionerima i višečlanim porodicama;
- Dodatno osnažiti službu Hitne medicinske pomoći, kako kadrovski tako i sa neophodnim sredstvima za rad;
- Obnoviti eksterijer i enterijer zgrade Doma zdravlja Lukavac;

BORBA PROTIV BOLESTI OVISNOSTI

Pored više drugih destruktivnih pojava/pošasti, koje razaraju koheziju bosanskohercegovačkog društva/države, Grad Lukavac je bremenit bolestima ovisnosti, u prvom redu droge i narkomanije, alkohola i alkoholizma, duhana i pušenja/nikotinizma, kocke i igara na sreću i brojnih drugih, među kojima skrećemo pažnju i na ovisnost od politike, koju smo nazvali politikomanija.

Posljedice su vidljive i poražavajuće za mlade i njihove porodice, uz napomenu da kocka i igre na sreću uzima sve više maha i uključuje SVE - i mlađe i starije osobe, bogate i siromašne, muškarce i žene. Broj ovisnika se iz dana u dan povećava.

Gradska organizacija SDP BiH Lukavac će, uz navedena pitanja kojima će se u narednom četverogodišnjem periodu baviti, posebno u namjeri snažne preventive, organizirati kvalitetne tribine, predavanja i promocije studije grupe autora BOLESTI OVISNOSTI SAVREMENOG BOSANSKOHERCEGOVAČKOG DRUŠTVA i inicirati formiranje nevladine organizacije (udruženja građana) za prevenciju i borbu protiv bolesti ovisnosti koje su vidljive u svim dijelovima Grada Lukavaca.

ANTIFAŠIZAM I BORBA ZA RADNIČKA PRAVA

GO SDP BiH Lukavac, kao partija koja baštini i njeguje antifašističko nasljeđe, iz vremena II svjetskog rata 1941.-1945. i Odbrambeno-oslobodilačkog rata 1992.-1995., će se zalagati za:

- Institucionalno obilježavanje važnih datuma i sjećanja na sve one koji su položili svoje živote za našu slobodu;
- Stvarati preduslove za dobru saradnju udruženja antifašista i drugih udruženja koja baštine antifašizam, ne samo na prostoru Grada Lukavac već i šire;
- Zalagat ćemo se da se u svakoj mjesnoj zajednici spomen-obilježja

adekvatno održavaju, porušena poprave, a tamo gdje postoji interes izgraditi nova;

- Posebna pažnja posvetit će se edukaciji, naročito među mladima, o temi antifašizma, organizovati tribine i akademije u prigodnim prilikama, insistirajući da nosilac ovih aktivnosti bude Grad Lukavac. U skladu sa ovlastimakoje ima, suprostavljati se svim retrogradnim snagama koje siju mržnju i strah među ljudima i otvoreno govoriti o zločinima počinjenim nad nedužnim civilima.

Političko organizovanje je potrebno kako bi se interesi radništva štitili u političkim institucijama kroz zakonodavnu i izvršnu vlast.

Sindikalno organizovanje je potrebno kako bi radnici mogli da djeluju i štite svoje interese kroz dijalog i kolektivno pregovaranje sa poslodavcima. Činjenica je da su radnici u privatnom sektoru veoma slabo sindikalno organizovani, što zbog straha od gubitka posla što zbog vlastite pasivnosti.

Samо kroz masovno i solidarno političko i sindikalno organizovanje radnici BiH mogu zaštititi radničke interese i vratiti dostojanstvo radnom narodu.

REORGANIZACIJA GRADSKE UPRAVE I SAVJETA MJESNIH ZAJEDNICA

Sprovest ćemo reformu lokalne uprave i obezbijediti ćemo dosljednu primjenu Zakona o principima lokalne samouprave, te lokalnu upravu osposobiti kadrovski, tehnički i materijalno, tako da u svakom trenutku uistinu može da bude servis građana po uzoru na savremenu lokalnu upravu u najrazvijenijim zemljama Evropske unije.

U tom smislu će se prije svega težiti da konačno od strane Gradskog vijeća bude razmatran i usvojen novi **Statut Grada Lukavca**. Nakon usvajanja Statuta uslijedila bi njegova primjena.

Posebna pažnja se mora usmjeriti na izbore organa u mjesnim zajednicama koje su danas u najvećoj mjeri potpuno nefunkcionalne. Krajnje je vrijeme da mjesna zajednica postane epicentar svih dešavanja i neposrednog

odlučivanja njenih stanovnika. Statutom je potrebno decidno utvrditi način odlučivanja o načinu trošenja sredstava za kapitalne projekte u mjesnim zajednicama. Mora se prekinuti praksa da se sredstva „od oka ili po želji pojedinaca“ planiraju za određene projekte i da o ulaganjima kroz mjesne zajednice odlučuju pojedinci, koji upravljaju budžetom Grada Lukavca i njihovi eksponenti u mjesnim zajednicama.

Potrebno je na **pravedniji** način kapitalna budžetska sredstva za projekte pozicionirati na račune mjesnih zajednica uz poštivanje osnovnih kriterijuma a to su : veličina teritorija, broj stanovnika, postojeće stanje infrastrukture i drugi elementi potrebni za razvoj mjesnih zajednica.

Po tim kriterijima svaka mjesna zajednica bi imala zagranovana budžetska sredstva za kapitalne projekte i investicije u mjesnoj zajednici, a prioritete investiranja bi utvrdili mještani mjesnih zajednica kroz aktivna Vijeća MZ putem projekata.

Potrebno je uspostaviti u potpunosti sistem upravljanja kvalitetom u skladu sa standardima, uz precizno uređenje svih procedura od interesa građana, dosljedno praćenje kroz informacioni sistem, analizu uspješnosti procedura i zadovoljstva korisnika i stalna poboljšanja;

- Usvajanje **Statuta Grada Lukavac**;
- **Izbor Vijeća mjesnih zajednica** u skladu sa Statutom Grada Lukavac i Zakonom o principima lokalne samouprave;
- Vijeća mjesnih zajednica trebaju biti ključni faktori za donošenje svih programa i projekata za razvoj svake mjesne zajednice;
- **Kapitalni projekti** za ravnomjeran razvoj mjesnih zajednica i **zagranovana budžetska sredstva** će biti prevedno raspoređena po jasno utvrđenim kriterijima (broj stanovnika, trenutno stanje infrastrukture, površina teritorije) a za projekte, za koje Vijeće mjesne zajednice i mještani iskažu prioriteten interes;
- Vratiti u funkciju **Mjesne uredbe** u Dobošnici, Poljicu Gornjem, Prokosovićima, Puračiću, Turiji i Panjiku za potrebe naših građana;
- Uvesti sistem kontinuiranog praćenja vrste i obima aktivnosti, uspješnosti, teškoća u radu i mogućnosti unapređenja u gradskoj administraciji;

- Izvršiti prilagođavanje gradske uprave stvarnim potrebama i izazovima na koje nailaze uprava i građani;
- Povećati maksimalno korištenja principa elektronske uprave u cilju olakšavanja i ubrzavanja njenog administrativnog rada , posebno za potrebe građana;
- Izvršiti temeljitu depolitizaciju javnih preduzeća koji su danas u punoj stranačkoj funkciji, i potpuno transparentan rad uz „nultu stopu tolerancije“ prema korupciji;
- Uspostaviti usku saradnju sa nevladinim i drugim organizacijama, ili pojedincima zainteresiranim za rad javnih preduzeća i ustanova;
- Afirmirati stručnost, efikasnosti i učinkovitost kao jedine kriterije u ocjeni rada pojedinaca, službi , preduzeća i ustanova;
- Osnovati kancelariju/službu za razvoj i podršku poduzetništву, službu za Evropska pitanja i fondove Evropske unije;

JAVNI MEDIJI

Informisanje javnog karaktera ima dugačku tradiciju u Gradu Lukavcu. Uglavnom praktična iskustva govore da su prvi oblici informisanja nastali u periodu između dva svjetska rata. Tridesetih godina prošlog vijeka u Lukavcu su se pojavili prvi biltenci koje su štampali i izdavali tadašnji vlasnici Fabrike sode Lukavac.

Nakon završetka rata, pedesetih godina prošlog vijeka počinju se štampati radnički biltenci u Koksno – hemijskom kombinatu „Boris Kidrič“ Lukavac, zatim u Fabrici sode Lukavac i Fabrici cementa Lukavac. Pomenuti biltenci su vremenom prerasli u „fabričke novine“, list „Boris Kidrič“ i list FSL Informativni list Fabrici sode Lukavac. U periodu od 1964 – 1990 u izdanju OK SSRN opštine Lukavac ,izlazio je list „Trinaesti septembar“. Ukinut je 1991 godine , i od toga vremena je izlazila novina „ Slobodna Riječ“ (jesen '91 – proljeće '92). U vremenu neposredno prije početka ratnih dejstava tokom aprila i maja pojavio se bilten „Bol“, izašla su svega dva broja. Nakon otpočinjanja ratnih sukoba na području opštine Lukavac (19.05.1992) na inicijativu Kriznog ratnog štaba opštine Lukavac, formiran je Press centar opštine Lukavac na čijem čelu se do sredine septembra nalazio dr. Edhem

Muftić, tadašnji predsjednik OO SDP BiH Lukavac. U okviru pres centra pokrenuta je djelatnost TV Lukavac i štampan bilten „BOL“ (izlazio od maja '92 – novembra '92). Radio Lukavac, zvanično je počeo sa radom 11. januara. 1993 godine. Uvodni dio priče o javnom informisanju je samo podsjećanje na historijat javnog informisanja u Gradu Lukavcu.

JU RTV Lukavac je jedini javni servis u Gradu Lukavcu. Najčešća dva pojma koja se susreću u javnom diskursu a direktno se odnose na medije su „moral“ i „sloboda“.

U tom smislu treba i posmatrati događanja vezana za rad RTV Lukavac.

Ova medijska kuća je svojevremeno „sama i slobodno“ donijela odluku da vrši direktni prenos sjednica općinskog/gradskog vijeća. U početku (decembar 2016 godine), sve je to ličilo na demokratske „promjene“ čiji je cilj bio predstaviti građanstvu dolazak političkih, medijskih i drugih vidova, dugo čekanih sloboda. Malo tko je tada vjerovao da će se pozicija „našeg“ lokalnog medija, odroditи od građanstva i vremenom postati glas autoritarnih pojedinaca koji suvereno gospodare medijskim i drugim javnim resursima u Gradu Lukavcu.

Ako bismo i najvećeg laika i neznaliku zadužili da prati i analizira u najgledanijim emisijama RTV Lukavac prisutnost određenih ličnosti u tim programima i taj „ medijski ekspert“ dao bi zaključiti da najveće prisustvo na RTV Lukavac pripada , više od 80% Izvršnoj vlasti, 15% predstavničkoj vlasti i možda 5% naručenoj opoziciji. Iz ovih brojki je vidljivo pravo stanje stvari u pogledu informisanja javnosti o svemu onome šta radi vlast i zašto u programima RTV Lukavac ne postoji ni najskromniji prostor za prisustvo opozicije.

Ovo što se, ovovremenskom, ditatorskom uređivačkom politikom provodi JU RTV Lukavac može se dovesti u ravan, medija koji se otvoreno stavlja u službu vlastodržaca. Medij koji samo favorizuje „glavne gradske face“ i njihove eksponente po mjesnim zajednicama će nakon oktobarskih izbora morati temeljito mijenjati svoju ulogu na informativnom prostoru Grada Lukavca. „Naš javni“ medij postao je pres služba lukavačkih „gospodara“.

- Nakon oktobarskih izbora SDPBiH GO Lukavac će tražiti prije svega: zakonit rad po svim pitanjima u ovoj i drugim javnim ustanovama;

- također ćemo se boriti protiv svakog oblika utjecaja na rad novinara i medijske slobode po pitanju informisanja javnosti;
- tražit ćemo da se u potpunosti poštuju prava i dužnosti svih subjekata koji sudjeluju u komunikaciji RTV Lukavac sa medijskim prostorom Grada Lukavca;
- tražit ćemo potpuno ravnopravan status uposlenika JU RTV Lukavac i drugih javnih ustanova sa službenicima i namještenicima u Gradskoj upravi;
- tražit ćemo od Upravnog odbora i direktora potpuno i transparentno informisanje o broju uposlenika, njihovim primanjima, potrebama za nova upošljavanja i odgovore na sva druga pitanja koja se odnose na zakonit i transparentan rad u JU RTV Lukavac i drugim ustanovama kojima je osnivač Grad Lukavac;
- tražit ćemo povećanje sredstava za materijano-tehničku sposobljenost RTV Lukavac,
- tražit ćemo izvještaje o prihodima koje ova ustanova ostvaruje putem marketinga i drugih vrsta komercijalnih usluga,
- tražit ćemo uspostavu i poštivanje etičkog kodeksa koji čuva dignitet novinarske profesije i sprečava uplitanje „ politike fantazija“ u rad novinara ,
- tražit ćemo objektivno, nepristrasno i pravovremeno informisanje javnosti po svim pitanjima koja se odnose na život građana . Dakle istinito informisanje u skladu sa činjenicama;
- tražit ćemo formiranje uređivačkog savjeta ili vijeća u skladu sa pravilima Regulatorne agencije za komunikacije Bosne i Hercegovine,
- nećemo dozvoliti miješanja bilo kojeg pojedinca u uređivačke i programske sadržaje RTV Lukavac, tražit ćemo odgovornost uticajnih pojedinaca i njihovih kolaboracionista unutar RTV Lukavac na karakter i selekciju emitovanja programa,
- tražit ćemo poštivanje svih drugih zakonitosti koje mogu dovesti do unapređenja rada RTV Lukavac i poboljšanja standarda svih zaposlenika ove medijske kuće;

Iz navedenih i mnogih drugih razloga GO SDP BiH Lukavac hoće da se bori za **slobodu medija**, bez uticaja dežurnih mentora i tutora, kojima RTV Lukavac služi samo kao moneta za potkusurivanje.

Slobodni i profesionalni mediji su uslov svih drugih građanskih prava i sloboda.

NAČIN REALIZACIJE IZBORNOG PROGRAMA

Izborni program predstavlja okosnicu razvoja Grada Lukavca u narednom četvorogodišnjem periodu, uz napomenu da će životna praksa nametnuti i neke druge probleme koji će se morati urgentno rješavati. SDP će insistirati da se budžeti Grada Lukavca utvrđuju i donose na demokratskim osnovama, a to podrazumijeva snažan utjecaj vijeća i građana mjesnih zajednica koji će odrediti svoje prioritete u rješavanju zajedničkih problema.

Na toj osnovi će se utvrditi kriteriji raspodjele budžetskih sredstava, vodeći računa o stepenu razvijenosti zajednica, broju stanovnika i veličini prostora na kojem građani žive. U tom okviru, pažnja će se usmjeriti da se razvoj, u cjelini uzevši, realizira na principima solidarnosti, međusobnog dogovaranja i usaglašavanja.

Ovakav pristup će onemogućiti nezaslužene privilegije po bilo kom osnovu, u prvom redu će spriječiti da pojedinci na relaciji: gradska uprava-mjesna zajednica odlučuju u ime građana i da time nameću rješenja koja nisu njihov primarni interes.

Pored toga, SDP će svoj način rada uskladiti sa principima, statutarnim odredbama i odlukama Gradskog vijeća i izvršiti izmjene i dopune dokumenata koji nisu u skladu sa zakonskim odredbama na osnovu kojih su doneseni.



KANDIDAT GO SDP BIH LUKAVAC ZA GRADONAČELNIKA GRADA LUKAVCA

1. Kenan Omerdić

LISTA KANDIDATA SDP ZA GRADSKO VIJEĆE LUKAVAC

- | | |
|-----------------------|--------------------------|
| 1. Memić Mirela | 17. Sakić Mihad |
| 2. Garagić Jasmin | 18. Spasojević Ađelka |
| 3. Efendić Munib | 19. Žigić Jasmin |
| 4. Jusufović Nermina | 20. Džibrlić Ajdin |
| 5. Hodžić Mirsad | 21. Nukić Enesa |
| 6. Mahovkić Jasmina | 22. Osmić Elvir |
| 7. Tomić Božo | 23. Hrustemović Ismeta |
| 8. Tabaković Amir | 24. Imamović Jasmin |
| 9. Imamović Mirela | 25. Osmić Amir |
| 10. Imamović Mirsad | 26. Mujkić Dženana |
| 11. Džindo Memić Alma | 27. Husejnović Amir |
| 12. Ibrakić Hasan | 28. Dieckmann Slobodanka |
| 13. Kuzić Almira | 29. Razić Jasmin |
| 14. Hodžić Hajrudin | 30. Mahovkić Amir |
| 15. Hodžić Faruk | 31. Mahovkić Enisa |
| 16. Huskić Manadij | 32. Mujčinović Jusuf |



Skeniraj QR kod pogledaj
Izborni program SDP BiH
ili postavi pitanje

**Nastavljamo
odgovorno.**